



Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Complectens ea quæ ad Sacramenta & mores pertinent

Abelly, Louis

Coloniæ Agrippinæ, 1659

Sect. I. Vtrum matrimonium sit Sacmentum.

urn:nbn:de:hbz:466:1-38979

CAP V T VIII.

De Sacramento Matrimonii.

SECT I O I.

Vtrum Matrimonium sit Sacramentum.

MATRIMONII nomine (ut docet Catech. Rom. part. 2. cap. 8.) intelligitur legitima viri, ac mulieris coniunctio individuam vitæ consuetudinem retinens. Dicitur autem (Matrimonium) vel, quia fœmina eo præfertum fine nubit; ut mater fiat; vel quia prolem concipere, parere, educare, ad matrem præfertim spectat. Vocatur etiam (conjugium) eò quod virum, ac mulierem sub uno, eodemque quasi mutuo jugo ad fidem servandam, & onera Matrimonii sustinenda constitutat. Nuptiarum quoque nomine nuncupatur; quia (ut observat S. Ambr. lib. 1. de Abraham c. 9.) virgines tradenda in matrimonium velo se operire, & quasi obnubere solebant, idque in signum tum pudoris, tum etiam subjectionis erga virum.

Est autem triplex Matrimonium, scilicet legitimum, ratum, & consummatum. Legitimum dicitur illud, quod legitimo consensu inter personas non impeditas contractum est; quale olim erat ante Christi Domini adventum, & etiam nunc inter ethnicos, & infideles esse solet. Ratum includit in se legitimum, addit vero rationem Sacra menti, per quod majorem firmitatem, & indissolubilitatem acquirit: unde Innoc. III. in cap. *Quanto de divorciis*; *etsi inquit, Matrimonium verum inter fideles existat, non ta-*

men

men est ratum: quia (ut ait Glæssa) potest dissolvi; interfideles autem non tantum legitimum, sed & ratum existit, ac proinde indissolubile. Denique Matrimonium dicitur consummatum, quod reali corporis usu, & legitima copula perficitur, & completerur.

In prima quidem mundi conditione Matrimonium Deo institutum est, tanquam officium naturæ, ut docet Catech. Rom. suprà: at verò in ipsius mundi instauratione per Christum facta, Sacramenti dignitas illi adiuncta est; ita ut Matrimonium, quod inter fideles legitimè contrahitur, sit ex ipsius Christi Domini institutione, verum, ac propriè dictum novæ legis Sacramentum. Hac veritas quæ de fide est.

Probatur 1. auctoritate scripturæ; Eph. 5. ubi Apostolus de Matrimonio loquens, *Sacramentum*, inquit, *hoc magnum est*; ego autem dico, in Christo, & in Ecclesia; quæ Apostoli verba explicans S. Aug. lib. 1. de Nuptiis & Concupiscentiis cap. 21. hoc *Sacramentum* inquit, in Christo, & in Ecclesia magnum; in singulis quibusque viris, atque uxoribus minimum, sed tamen conjunctionis inseparabilis *Sacramentum*, quibus verbis docet, Matrimonium esse Sacramentum magnum quidem, quaterus Christi cum Ecclesia conjunctionem significat; minimum verò in dignitate, si conferatur cum aliis Sacramentis; unde & ultimo loco numeratur.

Probatur 2. ex Conc. Florent. in decr. Eug. &c in Trid. sess. 24. can. 1. ubi eadem veritas definita est.

Probatur 3. ex SS. Patribus, qui Matrimonium Sacramenti nomine vocant; eiisque proprium Sacramenti effectum, gratiam scilicet tribuunt: ut S. Amb. lib. 1. de Abrah. cap. 7. ubi dicit Deum esse *Veluti Praesalem custodem conjugii, &c. eumq; qui conjugii thororum polluit, peccare Deum, cuiq; gratiam solvere*; ac Sacramenti cœlestis amatorum consortium: S. Aug. lib. cap. 18. In nostratum inquit, nuptiarum plius valeat sanctitas Sacramenti, quam fecunditas uterit. lib. de fide & operibus cap. 7. In Ecclesia inquit, nuptiarum solum vinculum, utrum etiam Sacramentum ita com-

mendatur; ut non liceat viro uxorem suam alteri tradere.

Cum igitur ex fide constet, Matrimonium esse Sacramentum; & aliunde habeatur (ut suprà dictum est) Sacra-
menta novæ legis constare materia, & forma.

Quæritur 1. quæ sit hujus Sacramenti materia, & forma. Omissis variis Theologorum super hac quaestione senten-
tiis, probabilissima omnium videtur ea, quæ asserit, mate-
riam remotam Matrimonii, esse corpora ipsorum contra-
hentium, proximam verò, mutuam eorumdem corpo-
rum traditionem verbis, seu nutibus consensum interio-
rem experientibus factam: formam denique mutuam
ipsorum met corporum acceptationem à contrahentibus
similiter factam. Huius sententia (quam variis argumentis
propugnat Isamb. disp. 4. de Matrim. arr. 2.) aperè favet
S. Doctor in suppl. q. 45. a. 2. ubi docet, mutuam corpo-
rum traditionem ita se habere ad Matrimonium, sicut se
habet ablution ad Baptismum. Quod si secundum illius
mentem mutua traditio corporum est materia ipsius Ma-
trimonii, sequitur, quod eorumdem corporum mutua ac-
ceptatio sit ejusdem Matrimonii forma; sicut in contra-
et donationis traditio rei censemur quasi materia contra-
etus, acceptatio verò quasi forma; cum præsertim ab ac-
ceptatione contractus ipsius validitas, & firmitas pen-
deat.

Quæritur 2. quis sit hujus Sacramenti minister. Resp.
esse ipsos met contrahentes sibi mutuo materiam & for-
mam applicantes. Ita Sotus, & alii, quos citat, & sequitur
Vivaldus in Candelabro aureo tit. 17. de Sacr. Matrim. Bel-
larm. I. 1. de Matr. cap. 6. & Petr. de Ledesma. tract. de Ma-
trim. cap. 2. ubi hanc sententiam post Conc. Trid. commu-
nem esse Theologorum asserit: unde sequitur, Parochum,
aut alium Sacerdotem, eius nomine Matrimonio assisten-
tem, non esse ministrum, sed solummodo testem princi-
palem; proindeque verba, quæ profert, non pertinere ad
formam hujus Sacramenti; sed ex Ecclesiæ instituto ad-
hiberi, ad consensum mutuum ipsorum contrahentium
comprobandum.

Quæ-

Quæritur 3. an Matrimonium per procuratorem contratum, sit verè Sacramentum. Res. affirmativè: quamvis enim aliqui Theologi id negent; probabilior tamen est sententia eorum, qui affirmant: quam sententiam posse Dominum Sotum, Nav. & plures alios tueruntur, & pluribus probat Isamb. disp. 3. art. 4. & Pet. de Ledesma cap. 2. de Matrim. Et constat ex cap. finali de procuratoribus in s. ubi Bonifacius VII. quasdam conditiones apponens, ut procurator idoneus sit ad Matrimonium contrahendum, ex consequenti satis aperte declarat, Matrimonium per procuratorem contrahi posse.

Neque dicas, fieri posse, ut is, qui per procuratorem contrahit, sit in statu peccati mortalis eo tempore, quo procurator ejus confensum per verba de praesenti exprimit: hoc enim non obstat, quin Matrimonium illius sit verè Sacramentum; quamvis nullam ex eo gratiam ob dispositionis defectum recipiat.

Est autem hic observandum, quod docet Isamb. ad hoc ut Matrimonium, per procuratorem validè contrahatur, adeoque verum sit Sacramentum, quinque praesertim requiri conditiones. Prima est, ut procurator habeat specie mandatum ad Matrimonium nomine alterius contrahendum. Secunda, ut id exequatur per se ipsum, & non per alterum à se substitutum. Tertia, ut eo tempore quo Matrimonium per procuratorem contrahitur, is, cuius nomine contrahitur, potestatem procuratori datam non revocaverit, etiam si tam procurator, quam persona, cum qua contraxit, revocationem ejusmodi penitus ignoreat. Quarta, ut mandatum illud procuratoris sit ad contrahendum cum certa, & determinata persona. Quinta denique, ut procurator conditiones, & clausulas in mandato approbas servet, nec illius fines excedat. Quæ quidem conditiones habentur expressæ in cit. cap. finali, & apud eumdem Isamb. fusiū explicantur.

Quæritur 4. quid de Matrimonio infidelium sentendum sit. Resp. Matrimonium illud, quod contrahitur infideles non baptizatos, non esse Sacramentum; sicut nec illud.

illud, quod contraheretur inter personam baptizatam, & alteram non baptizatam, ut docet Tol lib. 7. cap. 9. & pluribus probat Isamb. art. 3. Quod si ipsi infideles ad fidem converterentur, & baptizarentur, runc eo ipso, quod post susceptum Baptisnum consentirent inter se cohabitare, & signo aliquo declararent, eorum Matrimonium fieret omnino ratum, & indissolubile, ac proinde Sacramentum, ut docent Eckius, Henricq. Bellarm. Petr. de Ledesma, & alii apud Laym. part. 2. cap. 3 de Matrim. Si vero altero conjugum in infidelitate remanente, alter ad fidem converteretur, & baptizaretur; quamvis olim primis Ecclesiæ temporibus indulatum fuisset, ut conjux fidelis cum infideli cohabitare posset, ut constat ex 1. Corint. 7. postea tamen, crescente fide, & numero fidelium, Ecclesiæ visum est, ad cavenda perversionis pericula aliaque mala universim prohibere cohabitationem conjugis fidelis cum infideli; ut constat ex cap. Iudei sape, cauf. 28. quæst. 1. Imo si alter infidelium conjugum (ut edixit Innoc. III. cap. Quantò, de divorciis) ad fidem convertatur, altero, vel nullo modo, vel non sine blasphemia divini nominis, vel ut eum pertrahat ad mortale peccatum, et cohabitare volente; qui relinquitur, ad secunda, si voluerit, vota transibit. Addit Laym. suprà ex Soto, Henricq. & aliis, cum hodie cohabitatio conjugis fidelis cum infideli omnino prohibita sit, probabile esse, conjugem ex infidelitate ad fidem conversum, & baptizatum, posse transire ad alias nuptias; quamvis alter conjux in infidelitate remanens pacifice, ac sine injuria cohabitare vellet.

SECTIO